

## Iluarsiissut

### Taartaavoq siunnersummut 3. marts 2016-imeersumut

**Iluarsiissut: Iluarsiissummi ilanngunneqarput aaqqiissutissatut siunnersuutit  
Inatsisartut allattoqarfianni inatsisisanik nalilersuisarfiup suliarisimasai aamma  
kukkunersiuinermi iluarsiissutit.**

**Iluarsiissutaasut pingaerne rit allaaserineri: Inatsisisatut siunnersummi  
annikinnerusutigut oqaatsinik iluarsiinernik suliaqartoqarpoq kalaallisut taaguutaani  
kiisalu siunnersummi §§ 4, imm. 1, 6, imm. 1, 7, imm. 3-5, 10, 12 aamma 20.  
Kalaallisuuvani taaguutaa naleqqussarneqarpoq Inatsisartut qullersaqarfiannit  
kaammattuineq naapertorlugu. Illassusiisoqarpoq § 5, imm. 1-imut, akuersissummik  
pigisaqartup ilisimasanut qangarnitsanut atatillugu pisussaaffiinut tunngatillugu.  
Illassusiineq pivoq tusarniaanermi akissutit tiguneqartut tunuliaqutaralugit.  
Illassusiisoqarpoq § 19-imut, paasissutissanik isortuussassanik suliaqartarnermut  
tunngati-llugu. Illassusiisoqarpoq tusarniaanermit akissutit tiguneqartut  
tunuliaqutaralugit. § 26, imm. 1 aamma 4-mut illassusiisoqarpoq, uumassusillit  
sananeqaataasigut kingornuttagaasunik isumalluutinik iluaqteqarnerup  
akuersissutitaqanngitsup kingunerisaanik pineqaatissiissutit akiliisitsinermi  
akiliutaasup nunatta karsianut nakkartinneqartarnissaa pillugu. Illassusiisoqarpoq  
tusarniaanermit akissutit tiguneqartut tunngavigalugit. § 27, imm. 3-mi  
illassusiisoqarpoq arsaarinnissutaasut nunatta karsianut tunniunneqar-tarnissaat  
pillugit. Siunnersummi § 30-i kingumoortumik atortuutitsinissamut tunngasoq  
siunnersummiit peerneqarpoq Inatsisartut Allattoqarfianniit kaammattuineq  
tunngavigalugu. Inatsisartut Allattoqarfiata allannguineq taanna imatut tunngavilerpaa  
"Kingumoortumik atortuutitsinissamut tunngatillugu tusarniaanermut akissutaasuni  
oqaatigineqartutut imminut akilersinnaasumik ingerlatsinissamut tunngatillugu  
sunniuteqartussaanngippat, immaqa isumaliutigineqarsinnaavoq naammattunik  
tunngavilersuutissaqarnersoq aaqqissuussinerup attatiinnarnissaanut."**

**Uunga siunnersuut: Uumassusillit sananeqaataasigut kingornuttagaasunik isumalluutit  
tamatumunngalu atatillugu suliniutit pillugit Inatsisartut inatsisaat nr. xx, ulloq xx. xxx  
2016-imeersoq**

## **Kapitali 1**

*Atuuffissaa aamma taaguutit allallu*

**§ 1.** Inatsisartut inatsisaata siunnerfigaa uumassusillit sananeqaataasigut kingornuttaaga-sunik pisuussutit iluaqutigineqarnerisa tamatumunngalu atasumik suliniutit siuarsarneqarnissaat.

*Imm. 2.* Inatsisartut inatsisaanni immikkut siunertaasut makkuupput:

- 1) Uumassusillit assigiinngisitaarnerisa attatiinnarneqarnissaat.
- 2) Piujuannartitsinermik tunngavilimmik uumassusilinnit assigiinngisitaartunit pisuussutinik iluaquteqarneq.
- 3) Naammaginartumik naapertuilluartumillu iluanaarutinik agguassisarneq, uumassusillit sananeqaataasigut kingornuttaagaasunik isumalluutinik iluaquteqarnerup kingunerisaanik.
- 4) Naammaginartumik naapertuilluartumillu iluanaarutinik agguassisarneq, ilisimasanik qangarnitsanik uumassusillit sananeqaataasigut kingornuttaagaasunit isumalluutinit ilisimasat, nunat inoqqaavinit sumiiffinnilu inuiaqatigiinnit pigineqartunik iluaquteqarnerup kingunerisaanik.

*Imm. 3.* Inatsisartut inatsisaata isumannaassavaa uumassusillit sananeqaataasigut kingornuttaagaasunik isumalluutit tикинneqarsinnaanerat, aamma ilisimasanik teknologiimillu uumassusillit sananeqaataasigut kingornuttaagaasumik isumalluutinut tunngasunik ingerlatseqqinnejnar-tarnissaat.

*Imm. 4.* Inatsisartut inatsisaatigut siunnerfiuvoq uumassusillit sananeqaataasigut kingornuttaagaasunik isumalluutinik aqtsineq iluaquteqarnerlu, tamatumunngalu atatillugu suliniutit, ingerlanneqartassasut sillimaniarnermik, peqqissutsimik, avatangiisink aamma pisuussutinik iluaquteqarnermi inuiaqatigiinni piujuannartitsisumik ingerlatsisoqarnissaa sianigeqqissaarlugit.

*Namminersorlutik Oqartussat uumassusillit sananeqaataasigut kingornuttaagaasunik isuma-lluutinut pisinnaatitaaffii, inuiaallu kalaallit nunarsuarmiut inatsisaat naapertorlugit pisinnaatitaaffii*

**§ 2.** Namminersorlutik Oqartussat kisimiillutik oqartussaapput uumassusillit sananeqaataasigut kingornuttaagaasumik Kalaallit Nunaata isumalluutaanut, allallu periarfissittarnissaannut Kalaallit Nunaata isumalluutaanit uumassusilinnit sananeqaatit kingornuttaagaasut katersornissaannut iluaqutiginissaannullu, tamatumunngalu aalajangersaanissanut, isumaqatigiissuteqar-sinnaanernullu.

*Imm. 2.* Inatsisartut inatsisaat aamma aalajangersakkat atugassarititaasullu Inatsisartut inatsisaat naapertorlugu aalajangersagaasut, aamma akuersissutit iluanaarutinillu

agguaassisarnermut isumaqatigiissutaasut qanoq paasineqarnissaat atortinneqarnerallu nalilorsorneqartassapput inuiat kalaallit inuiattut pisinnaatitaaffii naapertorlugit, aamma nunap inuiisa nunarsuarmioqatigiit inatsisaat naapertorlugit pisinnaatitaaffiinut inatsisit atuuttut tun-ngavigalugit.

*Nunarsuarmioqatigiit isumaqatigiissutaat aamma pisussaaffiit*

**§ 3.** Inatsisartut inatsisaannik paasinninneq atuinerlu aamma pissutsinik aqtsineq suliniutinllu Inatsisartut inatsisaat naapertorlugu ingerlatsineq pisassaaq nunarsuarmioqatigiinnut isumaqatigiissutaasut aamma pisussaaffiit Kalaallit Nunaanni atortuutinneqartut naapertorlugit.

*Imm. 2.* Naalakkersuisut aalajangersagaliorsinnaapput nunarsuarmioqatigiinnut isumaqati-giissutinik atortuutitsineq aamma uumassusillit sananeqaataasigut kingornuttaagaasunik isuma-lluutaasunut Kalaallit Nunaanni atortuutinneqartunut atatillugu pisussaaffiit pillugit, aamma tamatumunnga atatillugu pissutsit pisariaqartinneqartut allat pillugit.

*Atuuffissa*

**§ 4.** Inatsisartut inatsisaat tulliuttuni pineqartuni atortinneqassaaq:

- 1) Sunaluunniit Kalaallit Nunaanni imaluunniit nunani allani aqqutissaasoq uumassusillit sananeqaataasigut kingornuttaagaasunik isumalluutit Kalaallit Nunaanneersut iluaqtigineqarnissaannut.
- 2) Sunaluunniit Kalaallit Nunaanni aqqutissaasoq uumassusillit sananeqaataasigut kingornuttaagaasunik isumalluutinut nenanit allaneersunut, Kalaallit Nunaannijungitsoq, aamma sunaluunniit Kalaallit Nunaanni uumassusillit sananeqaataasigut kingornuttaagaasunik isuma-lluutinut nenanit allaneersunut iluaquteqarnissamut aqqutissaasoq.
- 3) Misissuinerni aamma ilisimatusarnerni inernerusunik saqqummiussisarneq allatullu avammut nalunaaruteqartarneq.
- 4) Nalunaarsuisitsineq piginnittussatuatut, pissarsianut takussaanngitsunut pisinnaatitaaffinnik uumassusillit sananeqaataasigut kingornuttaagaasunik isumalluutinut, kiisalu piginnittussatuatut pisinnaatitaaffinnut pissarsianullu allanut tigussaanngitsunut tunngatillugu.
- 5) Nioqquutissiat uumassusillit sananeqaataasigut kingornuttaagaasunik isumalluutinit, imaluunniit taamaattut tunngavillit nioqquutissiat.

*Imm. 2.* Inatsisartut inatsisaami iluaquteqarnernut tunngatillugu aalajangersakkat makkunani atortuunngillat:

- 1) Iluanaarniutiginiarnagu katersineq pissarsinerluunniit nammineq atugassatut nerisassatu-lluunniit imaluunniit pinnersaatissatut.
- 2) Iluanaarniutiginau katersineq imaluunnit uumassusillit sananeqaataasigut

kingornuttagaasunit isumalluutinit katersineq atuartitsinermi atugassanik.

*Imm. 3. Naalakkersuisut ersarinnerusunik aalajangersagaliorsinnaapput Inatsisartut inatsisaata atuuffissaanut tunngatillugu, tamatumani aamma uumassusillit sananeqaataasigut kingornuttagaasunik isumalluutit qanoq killilernissaat pillugit, aamma Inatsisartut inatsisaat naapertorlugu ingerlatsinernut tunngasuti gut.*

*Uumassusillit sananeqaataasigut kingornuttagaasunik isumalluutinut  
tunngatillugu ilisimasanik qangarnitsanik atuisarneq*

**§ 5.** Uumassusillit sananeqaataasigut kingornuttagaasunik isumalluutinut taakkualu iluaqutigineqarnerannut tunngasumik Inatsisartut inatsisaanni aalajangersakkat, aamma ilisimasanik qangarnitsanik atuinermi uumassusillit sananeqaataasigut isumalluutinik iluaquteqarnermut atatillugu atortinneqassapput. Akuersissummik pigisaqartoq, uumassusillit sananeqaataasigut kingornuttagaasunik isumalluutinik iluaquteqarnermut atatillugu, misissuisinnaavoq nalilersuillunilu, ilisimasanik qangarnitsanik peqarnersoq, aammalu ilisimasat qangarnitsat qanoq iluaqutigineqarsinnaanersut uumassusillit sananeqaataasigut kingornuttagaasunik isumalluutinik iluaquteqarnermut atatillugu.

*Imm. 2. Naalakkersuisut tamatumunnga ersarinersunik aalajangersagaliorsinnaapput pissutsit imm. 1-imi eqqaaneqartut pillugit, tamatumani ilisimasat qangarnitsat qanoq isumaqartinneqassanersut pillugu, uumassusillit sananeqaataasigut kingornuttagaasunik isumalluutinut atatillugu, nunat inoqqaavinit sumiiffinnilu inuiaqatigiinnit pigineqartunut, aamma ilisimasanik qangarnitsanik uumassusillit sananeqaataasigut kingornuttagaasunik isumalluutinik iluaquteqartarnerni, nunat inoqqaavisa sumiiffinnilu inuiaqatigiit pigisaat eqqarsaatigalugit.*

*Taaguutinut nassuiaatit*

**§ 6.** Inatsisartut inatsisaanni taaguutit tulliuttut taaneqartutut isumaqarput:

- 1) Atortussiassap ilaatut avissaartutut paasineqassaaq, pissusissamisoortumik uumassusillip sananeqaataata minnerpaap attavia, tassaasut uumassusillit sananeqaatimikkullu kingornuttagaasunik isumalluutit ilisarnaataannik ersersitsisut imaluunniit allannguisut, naak taakku kingornutakkanik nutaanik pilersitsisinnaanngikkaluartut.
- 2) Uumassusillit assigiinngisitaarerat pillugu nunarsuarmiut isumaqatigiissutaat tassaavoq isumaqatigiissut 5. juni 1992-meersoq, uumassusillit amerlalluinnassusiat pillugu, allanngortinneqartoq nunarsuarmiut isumaqatigiissutaat allat aqqutigalugit, Kalaallit Nunaannilu atortuulluni.
- 3) Uumassusillit isumalluutit tassaapput uumassusillit sananeqaataasigut kingornuttagaasunik isumalluutit, uumassuseqartut imaluunniit tamakkua ilaat, uumasut imaluunniit suulluunniit

pinngortitami ataqatigiinnermi ilaasut, iluaqutigineqarsinnaasut imaluunniit inuiassuar nut maanna siunissamiluunniit iluaqutaasinnaasut. Uumassusilinnut isumalluutinut aamma ilaapput uumassusillit isumalluutit akui imaluunniit taakkunannga atortussiaasinnaasut, takuuk nr. 1.

- 4) Bioteknologi-tut paasineqassaaq sunaluunniit teknologimik iluaquteqarluni uumassusilinnik isumalluutinik iluaquteqarneq, imaluunniit pinngoqqaatinik atortussiassanilluunniit ilua-quteqarnerit tassanngaaneersut, takuuk nr. 1, nioqquissiariniarlugu imaluunniit sananeqaat allanngortinniarlugu, imaluunniit periaasia allanngortinniarlugu aalajangersimasumut atorsinnaajumallugu.
- 5) Atortussiaasinnaasoq uumassusilik tassaavoq sunaluunniit naasumit, uumasumit, imaluunniit pinngoqqaatinit imaluunniit pinngortitami piusoq alla kingornussassaliorsinnaasusilik.
- 6) Uumassusilitut isumalluutitut paasineqassaaq uumassusillit sananeqaataasigut kingornuttaagaasunit isumalluutit, takuuk nr. 5, maanna naleqareersoq imaluunniit naleqalersinnaasoq. Uumassusillit sananeqaataasigut kingornuttaagaasunik isumalluutinut aamma ilaapput uumassusillit isumalluutit atortuisa ilaat, atortussiassaq, takuuk nr. 1 aamma patogen-it nr. 9 naapertorlugu.
- 7) Pissarsiat takussaanngitsut pillugit pisinnaatitaaffittut paasineqassapput pissarsianut takussaanngitsunut pisinnaatitaaffit tamarmik, tamatumani aamma piginnittussaatitaaneq, uumassusillit sananeqaataannut isumalluutinut kingornuttaagaasunut, takuuk nr. 6.
- 8) Nagoyami isumaqatigiissutitut paasineqassaaq "Nagoyaprotokol"-i 29. oktober 2010-meersoq, uumassusillit sananeqaataasigut kingornuttaagaasutigut isumalluutinik atuisinnaaneq, kii-salu naammaginartumik naapertuilluartumillu iluaqutissanik agguassineq, pisuussutit taakkua iluaqutigineqarnerisut pinngortoq, uumassusillit amerlalluinnassusiannut isumaqatigiisssummut atasoq.
- 9) Patogen-itut paasineqassapput uumassusillit nappaammik pilersitsisinnaasut, imaluunniit inunni, uumasunik, naasunik uumassusilinnilluunniit allanik tunillaasinnaasut.
- 10) Iluanaaruteqarnertut paasineqassaaq uumassusillit sananeqaataasigut kingornuttaagaasunik isumalluutit iluaqutigineqarneranni aningaasarsiornikkut aningaasarsiornernungitsuti gullu iluaqutissarsiat suulluunniit.
- 11) Uumassusillit sananeqaataasigut kingornuttaagaasunik isumalluutinik iluaquteqarnertut paasineqassaaq sunaluunniit ilisimatusarnermik ingerlatsineq, imaluunniit uumassusilinnik ineriartortsineq, imaluunniit katitsigaanerinik teknologi atorlugu passussinikkut pissarsiat. Uumassusillit sananeqaataannik iluaquteqarnertut aamma paasineqassaaq kingornagut iluaquteqarneq aningaasarsiutinngortitsinerlu, tamatumani aamma ineriartortsineq, ussassaarineq aamma nioqquissianik niueruteqarneq, uumassusillit sananeqaataannik isumalluutinit pisoq. Iluaquteqarneq imaqarpoq suliniutinik ilisimatusarnermut tunngasunik ineriartortsisi-nernik, iluaquteqarneq aningaasarsiutinngortitsinerluunniit sunaluunniit, ussassaarineq aamma tuniniaanerit siuliani oqaaseqatigiinni siullerni aamma tulliini pineqartut, tamatumani aamma katersineq, misissuineq, nalunaarsuineq, paarisaqarneq,

allamut tunniussineq, pissarsineq, tigusineq, atuineq aamma uumassusillit sananeqaataannik annissuineq.

*Imm. 2. Naalakkersuisut ersarinnerusunik aalajangersagaliorsinnaapput imm. 1-imi paasinninnerit isumaat imaallu pillugit.*

*Iluaquteqarnissanut piumasaqaatit aamma iluanaarutinik  
avitseqatigiittarnermut isumaqatigiissutit*

**§ 7.** Kalaallit Nunaata pisuussutaanik uumassusillit sananeqaataasigut kingornutta gaasunik isumalluutinit iluaquteqarneq, Kalaallit Nunaanni avataaniluunniit taamaallaat ingerlanneqar-sinnaavoq, iluaquteqarnissamut tamatumunnga Naalakkersuisuniit akuersissut naapertorlugu, takuuk § 9.

*Imm. 2. Iluanaarutinik pissarsineq, tamatumani aamma aningaasarsiornikkut aningaasarsiornernerungitsutigullu iluaqtissarsineq, Kalaallit Nunaanni avataaniluunniit uumassusillit sananeqaataasigut kingornutta gaasunik isumalluutinik Kalaallit Nunaanneersunik iluaquteqarnerup kingunerisaanik, iluanaarutinillu agguassisarneq taamaallaat pisinnaavoq Naalakkersui-sullu iluanaarutinik avitseqatigiittarnissamut isumaqatigiissut naapertorlugu, takuuk § 11.*

*Imm. 3. Uumassusillit sananeqaataasigut kingornutta gaasunik isumalluutinik nunamit allameersunik Kalaallit Nunaanni iluaquteqarneq taamaallaat pisinnaavoq akuersissut naalagaaffimmit allameersoq tunngavigalugu, iluaquteqarnissap akuerineqarsimanissaanut piumasa-qaataasut nunami allami pineqartumi inatsisit naapertorlugit pisimappata, takuuk § 10.*

*Imm. 4. Iluanaarutinik pissarsineq, tamatumani aamma aningaasarsiornikkut aammalu aningaasarsiornernerungitsutigut iluaqtissanik pissarsineq, uumassusillit sananeqaataasigut kingornutta gaasunik isumalluutinik nunamit allameersunik Kalaallit Nunaanni iluaquteqarnermi, kiisalu iluanaarutaasunik avitseqatigiittarneq, taamaallaat pisinnaapput iluanaarutinik avitseqatigiittarnermut isumaqatigiissut naalagaaffimmut allamut isumaqatigiissutaasimasoq naapertorlugu, iluanaarutinik avitseqatigiinnissamut isumaqatigiissut naalagaaffimmeli allami pineqartumi inatsisit tunngavigalugit suliaappat, takuuk § 12.*

*Imm. 5. Naalakkersuisut aalajangersagaliorsinnaapput imm. 1-imiit 4-mut aalajangersakkat eqortinnejarnissaat isumannaarumallugu, aammalu imm. 1-4-mi pissutsit pillugit, tamatumani aamma periaatsit ileqqussallu assigissaakkat pillugit, tamatumanilu digitaliusumik aaqqissuussinernik atuinissat pillugit, aammalu nalunaarusiortarneq, misissuisarnerit, nakkutilliineq kiisalu imm. 1-imiit 4 ilanngullugu Kalaallit Nunaanni avataanilu eqortinnejarnissaat pillugit, tamatumunngalu tunngasut allat aamma pillugit.*

*Inatsisini aalajangersakkanut uniuuttumik suliniutinut inerteqquteqarneq, uumassusillit sananeqaataasigut kingornuttagaasunik isumalluutinik iluaquteqarnermi, aamma isumalluutit sananeqaataasigut kingornuttagaasunik isumalluutinik ileqqutoqqat tunngavigalugit ilisimasaqarneq*

**§ 8.** Uumassusillit sananeqaataasigut kingornuttagaasunik isumalluutit inatsisit unioqquti-llugit pissarsiarineqarsimasut, nunamit allamit pinngorfeqartut Kalaallit Nunaanni iluaqtigineqarsinnaanngillat.

*Imm. 2.* Imm. 1-im i aalajangersagaq atortuutinneqassaaq uumassusillit sananeqaataasigut kingornuttagaasunik isumalluutinut nunanit Nagoyami isumaqatigiisummut peqataasutut inatsisitigut tamanna pillugu aalajangersaasimasunut, isumaqatigiisummi artikel 6 naapertorlugu.

*Imm. 3.* Ileqqutoqqat tunngavigalugit uumassusillit sananeqaataasigut kingornuttagaasunik isumalluutinut tunngatillugu qangaaniilli ilisimasat, nunat inoqqaavinit sumiiffinnilu inuiaqatigiinnit pigineqartut, Kalaallit Nunaanni iluaqtigineqarsinnaanngillat, ilisimasat pineqartut tamatumunnga inatsisit atuuttut sanioqqullugit pissarsiarineqarsimappata.

*Imm. 4.* Imm. 3-mi aalajangersagaq atortinneqassaaq qangaaniilli ilisimasanut uumassusillit sananeqaataasigut kingornuttagaasunik isumalluutinut, nunap inoqqaavinit pigineqartunut, sumiiffinnilu inuiaqatigiinnit pigineqartunut, nunani Nagoyami isumaqatigiisummut ilaasutut tamatumunnga tunngatillugu inatsisiliorsimasunut, isumaqatigiisummi artikel 7 -mi aalajangersakkanut naapertuuttunik.

*Imm. 5.* Naalakkersuisut aalajangersagaliorsinnaapput imm. 1-imiit 4-mut aalajangersakkat eqortinnejarnissaat qularnaarumallugu, aammalu 1-imiit 4-mut aalajangersakkanut tunngatillugu, tamatumani aamma periaatsit ileqqussallu assigissaakkat pillugit, tamatumanilu digitaliusumik aaqqissuussinernik atuinissat pillugit, aammalu nalunaarusiortarneq, misissuisarnerit, nakkutilliineq aamma atortuutitsineq imm. 1-imiit 4-mut aammalu pissutsinut tamatumunnga atasunut tunngatillugu.

## **Kapitali 2**

*Iluaquteqarnissamut akuersissut aamma iluanaarutinik avitseqatigiinnermut*

*isumaqatigiissut*

*Iluaquteqarnissamut akuersissut*

**§ 9.** Naalakkersuisut ersarinnerusumik atugassarititaasut aalajangersarneqartut tunngavigalugit nalunaaruteqarsinnaapput iluaquteqarnissamut akuersissummik, uumassusillit sananeqaataannik kingornuttagaasunik isumalluutinik Kalaallit Nunaanneersunik nunatsinni nunattaluunniit avataani iluaquteqarsinnaaneq pillugu.

*Imm. 2.* Naalakkersuisut iluaquteqarnissamut akuersissummik aalajangersaasinnaapput akuersissummik pigisaqartup uumassusillit sananeqaataasigut kingornuttagaasunik

isumalluutinik aningaasarsiornikkut iluanaarutaasinnaasumik iluaquteqarsinnaaneranut atugassarititaasussanik.

*Imm. 3.* Iluaquteqarsinnaanermut akuersissut kisermaassisinnaatitaanertaqanngitsumik tunniunneqassaaq.

*Imm. 4.* Naalakkersuisut iluaquteqarnissamut akuersissummi atugassarititaasussanik naleqquttunik tamanik aalajangersaasinnaapput, akuersissummut aamma akuersissummik tunngaveqartumik ingerlatsinermut atatillugu, Inatsisartut inatsisaanni § 1 naapertorlugu siunertaq tunngavigalugu, tamatumani aamma atugassarititaasunut makkununnga tunngatillugu:

- 1) Uumassusillit sanaaneqaataasigut kingornuttaagaasumik isumalluutit iluaqutigineqarsinnaasut sukkut killilersorneqarnerat.
- 2) Sumiiffik akuersissuteqarfiusoq sumiinnersoq, iluaquteqarneq Kalaallit Nunaanni ingerlanneqassappat.
- 3) Piffissaq akuersissuteqarfiusoq, akuersissutillu utertinneqartarnera atorunnaartarneralu pi-llugit.
- 4) *Akuersissut tunngavigalugu suliniutinik sunik ingerlatsisinnaaneq.*
- 5) *Akuersissummik pigisaqartup iluanaarutinik avitseqatigiittarnermut isumaqatigiissusiornissaa, taassuminngalu naammassinninnissaa, takuuk § 11.*
- 6) Paasissutissanik nalunaaruteqartarneq nalunaarusiortarnerlu, atortut aamma paasissutisaat Naalakkersuisunut ingerlasussat, § 21 naapertorlugu.

*Imm. 5.* Naalakkersuisut iluaquteqarsinnaanermut akuersissummut atatillugu atugassarititaasunik aalajangersagaliorsinnaapput, Namminersorlutik Oqartussanut akiliuteqartarnissaq pillugu. Akiliut annertussusilerneqarsinnaavoq akuersissummi pissutsit atuuttut tunngavigalugit, aamma suliniutit pissutsillu akuersissummiittut allat tunngavigalugit. Akiliutaasussaq assersuutigalugu annertussusilerneqarsinnaavoq akuersissummik pigisaqartup kaaviiartitaasa annertussusiat tunngavigalugu, (kaaviiartitanut akiliut) imaluunniit akuersissummik pigisaqartup aningaasaqarnikkut pissarsiai (iluanaarutinit akiliut) imaluunniit taakkua akule-runnerisigut aaqqissuussinerusinnaalluni.

*Imm. 6.* Naalakkersuisut aalajangersagaliorsinnaapput akuersissummik tunineqarnissamut qinnuteqartarneq pillugu, tamatumani aamma taassuma suut imarissanerai, qinnuteqaatip tunniunneqartarnera il.il. pillugit.

*Imm. 7.* Iluaquteqarnissamut akuersissut taamaallaat allanngortinneqarsinnaavoq tassunga ilassummi, Naalakkersuisunit inatsisartut inatsisaat naapertorlugu tunniunneqarsimasumut atatillugu. Akuersissummut ilassut akuersissummik allannguineq pillugu taamaallaat Naalakkersuisunit tunniunneqarsinnaavoq, tamatumunnga atatillugu akuersissummik pigisaqartumut isumaqatigiissuteqarnikkut.

*Imm. 8.* Naalakkersuisut aalajangersagaliorsinnaapput aammalu atugassarititaasunik aalajangersaasinnaallutik, iluaquteqarnissamut akuersissut ingerlatseqatigiiffimmut piffissami akuersissuteqarfiusumi piumasaqaataasunik tamanik naammassinnissinnaasumut taamaallaat tunniunneqarsinnaasoq pillugu:

- 1) Ingerlatseqatigiiffik aktiaatileqatigiiffiussaaq imaluunniit piginneqatigiiffiussalluni anpartselskabi Kalaallit Nunaanni angerlarsimaffeqartoq.
- 2) Ingerlatseqatigiiffik taamaallaat inatsisartut inatsisaat una naapertorlugu akuersissut tunngavigalugu suliassaminik ingerlatsisinnaavoq, ingerlatseqatigiiffimmillu allamik akileraartnikkut ataatsimoortumik aaqqissuussinerussanani, tamanna pinngitsaaliissutaanngippat.
- 3) Ingerlatseqatigiiffik pigisaminut nalilinnut tamakkiisumik atuisinnaassuseqartuussaaq, akilersuisitsiunnaarsimassananani, akiliisinnaajunaarsimassananani imaluunniit taakkununnga assingusumik inissisimasuussanani.

**§ 10.** Uumassusillit sananeqaataasigut kingornuttagaasunik isumalluutit Kalaallit Nunaanneersuunngitsut, nunamilli allameersut, taamaallaat Kalaallit Nunaanni iluaqutigineqarsin-naapput tamatumunnga atatillugu akuersissut tunngavigalugu, nunami allami inatsisini taamatut piumasaqaateqartoqarpat. Akuersissut naalagaaffimmit allamit tunniunneqarsinnaavoq, naalagaaffik alla Nagoyami isumaqatigiissummi ilaappat, Naalakkersuisunillu nuna alla pineqartoq Nagoyami isumaqatigiissummut ilaannngippat. Akuersissut Naalakkersuisunit tunniunneqarsinnaappat, taava Naalakkersuisut ersarinnerusumik atugassarititaasunik aalaja-ngersakkat tunngavigalugit uumassusillit sananeqaataasigut kingornuttagaasunik isumalluutinik iluaquteqarnissamut akuersissuteqarsinnaapput. Akuersissutinut taamaattunut tunngati-llugu § 9 atortinneqassaaq, taamaattoq takuuk § 12. Iluaquteqarnissamut akuersissut taamaattoq taamaallaat iluanaarutinik avitseqatigiittarnermut tunngasuusinnaavoq akuersissut tun-ngavigalugu, nunarsuarmioqatigiit isumaqatigiissutaanni allatut aalajangersagaqanngippat, imaluunniit uumassusillit sananeqaataasigut kingornuttagaasunik isumalluutit pillugit pisussaaffit Kalaallit Nunaanni atortinneqartut tunngavigalugit allatut pisussaaffeqanngippat.

#### *Iluanaarutit agguaanneqartarnerannut isumaqatigiissut*

**§ 11.** Naalakkersuisut § 9 naapertorlugu akuersissummi atugassarititaasunik aalajangersaa-sinnaapput, akuersissummik pigisaqartup Naalakkersuisunut isumaqatigiissutigisassagaa malittassallugulu iluanaarutinik avitseqatigiittarneq pillugu isumaqatigiissut, tamatumani aamma aningaasarsiornikkut aningaasarsiornerunngitsutigullu iluaqtissarsiat, uumassusillit sananeqaataasigut kingornuttagaasumik isumalluutinik iluaquteqarnermut atatillugu.

*Imm. 2.* Naalakkersuisut iluanaarutit agguattarnissaannut imm. 1 naapertorlugu isumaqatigiissummi aalajangersaasinnaapput atugassarititaasunik, akuersissummik pigisaqartup Naalakkersuisullu akornanni pisinnaatitaaffit uumassusillit sananeqaataasigut isumalluutinik iluaquteqarnermut aamma tamatumunnga atatillugu naammassisat pillugit. Naalakkersuisut tamatumunnga atatillugu aamma aalajangersaasinnaapput atugassarititaasunik, Naalakkersuisut piginnitooqataanerat imaluunniit pisinnaatitaaffit allat takussaanngitsunit pisut uumassusillit sananeqaataasigut isumalluutinik iluaquteqarnermit eqqarsaatigalugit,

aammalu pissarsianut takussaanngitsunit pisunit tunngavilimmik naammassisat pillugit, kiisalu atuisinnaatisinermik niueruteqarnikkut aningaasat pissarsiat takussaanngitsunit pisut eqqarsaatigalugit.

*Imm. 3.* Iluanaarutinik avitseqatigiittarnissamut isumaqtigiissut Inatsisartut inatsisaannit matuminnga aqunneqarpoq, taannalu naapertorlugu suliaassalluni, akuersissummut atugassaritaasut, inatsisartut inatsisaat aamma nunarsuarmiut isumaqtigiissutaat Kalaallit Nunaannut atuuttut naapertorlugit aalajangersagaassalluni, pissutsit pineqartut pisussaaffiillu inatsisartut inatsisaat una naapertorlugu aalajangersagaappata.

*Imm. 4.* Naalakkersuisut aalajangersagaliorsinnaapput iluanaarutinik agguasseqatigiittarnermi pissutsinut tamanut tunngasutigut, tamatumani aamma akuersissummit pigisaqartup Namminersorlutik Oqartussanut akiliuteqartarnissaa pillugu, kiisalu Namminersorlutik Oqartussanut aningaasarsiornikkut eqqanaarutaasunut allanut tunngatillugu, tamatumani aamma aningaasarsiornermut tunngasuunngitsuti gut Namminersorlutik Oqartussanut iluaquitissat eqqarsaatigalugit, pisuussutinit uumassusillit sananeqaataasigut kingornuttaagaasunik isuma-lluutinit iluaquqarnermut atatillugu.

*Imm. 5.* Naalakkersuisut aalajangersagaliorsinnaapput aalajangiisinhaallutillu illuatungiusoq uumassusillit sananeqaataannit kingornuttaagaasunik isumalluutinik Kalaallit Nunaanni imaluunniit nunani allani Kalaallit Nunaanneersunik iluaquqartoq, iluaquqarsimasorluunniit, Naalakkersuisunut iluanaarutinik agguassisarnermut isumaqtigiissuteqassasoq, isumaqtigiissummilluunniit naammassinnissasoq, iluanaarutaasimasut avinnejarnissaat pillugu, tamatumani aamma aningaasarsiornikkut aningaasarsiornermulluunniit tunngasuunngitsuti-gut, uumassusillit sananeqaataasigut kinngornuttaagaasumik isumalluutinik iluaquqarnermut atatillugu. Naalakkersuisut iluanaarutinik agguasseqatigiittarnermut tunngatillugu apeqqutini pisariaqartuni tamani aalajangersakkanik suliaqarsinnaapput, tamatumani aamma Namminersorlutik Oqartussanut akiliuteqartarneq pillugu, aamma aningaasaqarnikkut aningaasaqarnermulluunniit tunngasuunngitsuti gut, Namminersorlutik Oqartussanit qulakkiigassanut allanut tunngartillugu, uumassusillit sananeqaataasigut kingornuttaagaasumik isumalluutinik iluaquqarnermut atatillugu.

**§ 12.** Naalakkersuisut aalajangersagaliorsinnaapput aalajangiisinhaallutillu illuatungiusoq uumassusillit sananeqaataasigut kingornuttaagaasunik isumalluutinik Kalaallit Nunaanni iluaquqartoq iluaquqarsimasorluunniit nunamit allameersoq, Kalaallit Nunaanniuunngitsoq, nunamit allamit tamatumunga akuersissutitaqanngitsumik, nunamit pineqartumut allamut iluanaarutinik avitseqatigiittarnermut isumaqtigiissuteqassasoq, tamatumani aamma aningaasarsiornikkut aningaasarsiornernungitsuti gullu iluaquitissat eqqarsaatigalugit, uumassusillit sananeqaataasigut kingornuttaagaasunik isumalluutinik iluaquqarnermut atatillugu, nunami pineqartumi allami inatsisit naapertorlugit iluanaarutinik avi-tseqatigiinnissamut inatsisini aalajangersagaqarpat. § 11 atorneqassaaq assigisaanik Naalakkersuisut aalajangersagaliorneranni aalajangiinerannilu iluanaarutinik

avitseqatigiinnissamut isumaqatigiisummik pineqartutut aalajangersaanermi. Iluanaarutinik avitseqatigiittarnissamut isumaqatigiissut iluaquteqartup iluaquteqarsimasulluunniit aamma nunap allap akornanni taamaallaat atuuttuussaaq.

*Imm. 2.* Naalakkersuisut aalajangersagaliorsinnaapput aalajangiisinnaallutillu imm. 1-ip illuatungiusumut Kalaallit Nunaanni uummassusillit sananeqaataasigut kingornuttaagaasunik isumalluutinik nunamit allamiit akuersissut tunngavigalugu iluaquteqatumut iluaquteqarsimasumulluunniit atortinneqarnissaanik, nunami allami pineqartumi inatsisit naapertorlugit iluanaarutinik avitseqatigiittarnissaq piumasaqaataappat.

*Akitsuut iluaquteqarnissamut akuersissummut aamma  
iluanaarutinik avitseqatigiittarnermut*

**§ 13.** Naalakkersuisut aalajangersaasinnaapput atugassarititaasunillu malittarisassaliorsinnaallutik akuersissummit pigisaqartup akitsuummik iluaquteqarnissamut akuersissummut atatillugu akiliuteqartarnissaq pillugu, tamatumani aamma akuersissutip nalunaarutigineqarneranut, sivitsorneqarneranut allamullu tunniunneqarneranut akiuliutaasussaq pillugu.

*Imm. 2.* Naalakkersuisut aalajangersagaliorsinnaapput atugassarititaasunillu malittarisassiorsinnaallutik akuersissummit pigisaqartup isumaqatigiissuteqaqataas ulluunniit akitsuummik aamma akiliuteqartarnissaq pillugu, iluanaarutinik avitseqatigiittarnermut isumaqatigiissummut atatillugu.

*Pisortat suliamik ingerlatsinerannut aningaasartuutinut akiliuteqartarneq*

**§ 14.** Akuersissummit pigisaqartut, isumaqatigiissuteqaqataasut aamma allat Inatsisartut inatsisaanni aalajangersakkanut attuumassuteqartut suliap pisortani ingerlanneqarneranut, a-llatulluunniit pisortat suliaqarnerannut aamma pisortat ingerlatsinerannut aningaasartuutinik akiliisussaapput. Akiliuteqartitsineq akitsuutit imaluunniit aningaasartuutaasunik matussusiinkut akilersinnejqarsinnaavoq. Naalakkersuisut tamatumunnga atatillugu atugassarititaasunik ersarinnerusunik aalajangersagaliorsinnaapput.

*Iluaquteqarnissamut akuersissutip imaluunniit sinneqartoortinik  
avitseqatigiittarnermut isumaqatigiisummik allamut  
tunniussisarneq eqqartuussivitsigullu malersuisinnaaneq*

**§ 15.** Toqqaannartumik toqqaannanngitsumilluunniit iluaquteqarnissamut akuersissummit imaluunniit sinneqartoortinik agguasseqatigiittarnermut isumaqatigiisummik Inatsisartut inatsisaat una naapertorlugu allamut tunniussisoqarsinnaanngilaq, Naalakkersuisut tunnusisoqarsinnaanneranut akuersisimanngippata. Naalakkersuisut malittarisassanik

aalajangersaasinnaapput taamatut tunniussisoqarsinnaanerani atugassarititaasussanik.

*Imm. 2. Iluaquteqarnissamut akuersissut aamma iluanaarutinik avitseqatigiittarnermut isumaqatigiissut Inatsisartut inatsisaat naapertorlugu eqqartuussivitsigut malersorneqarsinnaan-ngillat.*

*Iluaquteqarsinnaanermut akuersissummit atorunnaarsitsineq utertitsinerlu*

**§ 16.** Naalakkersuisut aalajangersagaliorsinnaapput atugassarititaasunillu maledruagassiorsinnaallutik Inatsisartut inatsisaat naapertorlugu akuersissutip atorunnaartarneranut aamma utertitsisarnermut tunngatillugu.

*Iluaquteqarsinnaanermut akuersissutip atorunnaareerneratigut pisussaaffiit*

**§ 17.** Naalakkersuisut aalajangersagaliorsinnaapput atugassarititaasunillu maledruagassiorsinnaallutik aammalu isumaqatigiissuteqarsinnaallutik, iluaquteqarnissamut akuersissummit pigisaqartup Inatsisartut inatsisaat naapertorlugu pisussaaffiisa akuersissutip atorunnaareerneratigut atuutiinnarnissaat pillugu, aamma akuersissummit pigisaqartup pisussaaffiisa allat i-ngerlaannarnissaat eqqarsaatigalugit.

### **Kapitali 3**

*Misissuinernit inernerit aamma ilisimatusarnermi naammassisat saqqummiuttarneri tamanullu takusassiarineqartarneri il.il.*

**§ 18.** Kinaluunniit misissuinernit inernerinik imaluunniit ilisimatusarnermit naammassisaniit Kalaallit Nunaanneersunik tunngavilinnik taamaattunilluunniit aallaaveqartunik saqqummiussinerni peqataasoq, Naalakkersuisunut tamanna pillugu nalunaaruteqassaaq saqqummiussinerup tamanulluunniit tusagassiinerup kinguninngua.

*Imm. 2. Saqqummiussineq allatulluunniit tamanut takusassiarinnineq imm. 1 naapertorlugu, ingerlanneqassaaq Kalaallit Nunaata uumassusillit sananeqataasigut kingornuttagaasu-nik isumalluutinut pisinnaatitaaffigisaanut ataqqinnittumik periaaseqarluni, aammalu ataq-qineqassalluni uumassusillit sananeqaataasigut isumalluutit pineqartut Kalaallit Nunaanniit aallaaveqarnerat.*

*Imm. 3. Allaganngorlugit saqqummiussinerit uumassusillit sananeqaataasigut isumalluutinut tunngasut, imaluunniit taamaattunit aallaaveqartut, assilineqarneri Naalakkersuisunut nassiuunneqassapput. Uumassusillit sananeqaataasigut isumalluutit iluaqutigineqarpata, saqqummiussami nalunaarneqarsimassaaq taamaattunik iluaquteqarsinnaanermut akuersissummit tunniussaqartoqarsimasoq.*

*Imm. 4. Allaganngorlugit saqqummiussinerit imm. 3-mi eqqaaneqartut, database-mi tamanit alakkarneqarsinnaasumi § 20 naapertorlugu ingerlanneqartumi tamanut*

takusassiarineqartassapput. Tamanulli saqqummiussineq taamaallaat pisinnaavoq pissarsianut takussaanngitsunut pisinnaatitaaffinnut tamanna akerliungippat.

*Imm. 5.* Naalakkersuisut isumaqatigiissuteqarsinnaapput akuersisummik pigisaqartumut, isumaqatigiissuteqarfigisamut illuatungiusumulluunniit allamut, saqqummiussinissami allatu-lluunniit tamanut ammasumik saqqummiussinissami atugassarititaasussat pillugit, misissuinermit imaluunniit ilisimatusarnermit naammassisat uumassusillit sananeqaataasigut kingor-nuttaagaasunik isumalluutit Kalaallit Nunaanneersut imaluunniit taakkunanna aallaaveqar-tumik suliaasut pillugit.

## Kapitali 4

*Naammassisani kisimiilluni piginnittuuneq allallu*

**§ 19.** Akuersisummik pigisaqartoq iluaquteqarnissamut isumaqatigiissummik tunngavilimmik, isumaqatigiissuteqaqataasoq iluanaarutinik aviteqati giittarnissamut isumaqatigiissummik tunngavilimmik, illuatungiusorluunniit alla, teknologiimik nassaamilluunniit uumassusillit sananeqaataasigut kingornuttaagaasunik isumalluutinik Kalaallit Nunaanneersunik tunngaveqartunik piginnittussatuatut akuerineqarnisamik nalunaarsuinpiarpat, taava akuersisummik pigisaqartoq imaluunniit isumaqatigiissuteqaqataasoq tamanna pillugu nalunaarsuinissaq sioqqullugu Naalakkersuisunut paasissutisseeqqaassaaq. Tamanna aamma atuuppoq allatut nalunaarsuinnginnerni imaluunniit pissarsianut takussaanngitsunut pisinnaatitaaffinnut allanut uumassusillit sananeqaataasigut kingornuttaagaasunik isumalluutinik Kalaallit Nunaanneersunik nalunaarsuinnginnerni. Naalakkersuisut iliuusissanik pisariaqartunik iliuuseqassapput isumannaarniarlugu inuit killeqartut kisimik paasissutissanut taamaattunut susassaqarnissaat, aamma paasissutissat isortuussassatut atorneqarnissaat.

*Imm. 2.* Naalakkersuisut imm. 1 naapertorlugu paasissutissiisussaatitaanermut pisussaaffiusut pillugit ersarinnerusunik maleruagassiorsinnaapput.

## Kapitali 5

*Pisortani tamanut ammasumik database*

**§ 20.** Naalakkersuisut database-mik pilersitsisinnaapput, inuit tamat uumassusillit sananeqaataasigut isumalluutinut tunngasumik paasissutissanik aallerfigisinnaasaannik.

*Imm. 2.* Naalakkersuisut paasissutissanut tunngatillugu database-mi attuumassuteqartunut tamanut tunngatillugu atugassarititaasunik imm. 1-imi pineqartunut maleruagassanik pilersitsisinnaapput, tamatumani aamma paasissutissaasivimmik database-mik pilersitsinermut ingerlatsinermullu atatillugu, database-mut isersinnaanermut aamma

tamatumunnga atatillugu aningaasartuutinut akiliutissanullu, paasissutissanik qanoq ittunik database imaqarsinnaanersoq pillugu, tamatumani aamma pisuussutit uumassusillit sananeqaataasigut kingornuttagaa-sunik isumalluutit pillugit tamakkununngalu pisinnaatitaaffit allat pillugit.

*Imm. 3.* Naalakkersuisut suliffeqarfimmut ingerlatsivimmulluunniit isumaqatigiissuteqarsinnaapput taassuma database-mik imm. 1 naapertorlugu pilersinnejartumik ingerlatsisuunissa pillugu.

*Imm. 4.* Naalakkersuisut aalajangersagaliorsinnaapput atugassarititaasunillu aalajangersaasinnaallutik Kalaallit Nunaata uumassusillit sananeqaataasigut kingornuttagasumik isuma-lluutit iluaqutigineqarnerat tamatumunngalu atatillugu pissutsit naleqquttut allat tamaasa eqqarsaatigalugit danskit database-iutaannik atuisinnaaneq paasissutissallu tassani inisisimasinnaanerat pillugu, tamatumani aamma Naalakkersuisut danskillu naalakkersuisusa databasse-imik atuinermut suleqatigiissinnaanerat pillugu.

*Imm. 5.* Naalakkersuisut aalajangersagaliorsinnaapput atugassarititaasunillu aalajangersaasinnaallutik pilersitsisinnaanermut imaluunniit atuisinnaanermut database-nik allanik, nunarsuarmioqatigiit isumaqatigiissutaanni pisussaaffiinilu ilaareersunik, tamatumani aamma Kalaallit Nunaanni atorneqartunik, tamatumunngalu atatillugu pissutsinut attuumassuseqartunut tamanut atuuttussanik aalajangersagaliorsinnaallutik.

## Kapitali 6

*Pisortani suliassanik suliarinnittarnerit il.il.*

*Nalunaarusiortarneq*

**§ 21.** Iluaqteqarsinnaanermut akuersisummik pigisaqartoq aamma sinneqartoorutinik avitseqatigiittarnissamut isumaqatigiissuteqaqataasoq akuttunngitsumik Naalakkersuisunut nalunaarusiortassapput, uumassusillit sananeqaataasigut kingornuttagasunik isumalluutinik iluaqteqarneq ingerlanneqartoq, tamatumunngalu tunngasutigut ingerlatsinerit allat pillugit.

*Imm. 2.* Naalakkersuisut ersarinnerusunik aalajangersagaliorsinnaapput imm. 1 naapertorlugu nalunaarusianik nassiussaqartarnissaq pillugu, paasissutissanillu nassiussaqartarnissat a-llat pillugit.

*Imm. 3.* Naalakkersuisut aalajangersagaliorsinnaapput atugassarititaasunillu aalajangersaasinnaallutik, nalunaarusiortarnermut immersortakkap Naalakkersuisunit suliaasup imm. 1 naapertorlugu nalunaaruteqarnerni atorneqartussaanera pillugu.

*Imm. 4.* Naalakkersuisut aalajangersagaliorsinnaapput atugassarititaasunillu aalajangersaasinnaallutik, iluaqteqarnissamut akuersisummik pigisaqartoq aammaluu sinneqartoorutinik avitseqatigiittarnermi peqataasup nalunaarusiornissamut piumasaqaatinik naammassinnittarnissaat pillugit, nunarsuarmioqatigiinni aalajangersakkat tunngavigalugit Kalaallit Nunaanni atortuutinneqartut naammassineqartussaanerat pillugu.

*Nakkutilliineq aamma peqqussuteqartarneq*

**§ 22.** Naalakkersuisut akuersissummik pigisaqartunut, isumaqtigiiissuteqarnikkut peqataasumut allanullu Inatsisartut inatsisaat naapertorlugu suliniutinik ingerlatsisuusumut nakkutilliinermik ingerlatsissapput, tamatumani aamma aalajangersakkanik atugassarititaasunillu Inatsisartut inatsisaat naapertorlugu aalajangersarneqarsimasunik.

*Imm. 2.* Naalakkersuisut Inatsisartut inatsisaata malinneqarnissa siunertalarugu peqqussutinik nalunaaruteqarsinnaapput, iluaquteqarnermi atugassarititaasunik aamma iluanaarutinik avitseqatigiittarnermi atugassarititaasunik. Peqqussuteqarneq akuersissummik pigisaqartumut, isumaqtigiiissuteqaqataasumut allanullu Inatsisartut inatsisaanni pineqartunut nalunaarutigineqarsinnaavoq.

*Imm. 3.* Nakkutilliisussaatitaasutut oqartussaasup sulisui sukkulluunniit eqqartuussivitsigut akuersissutaqanngitsumik kinaassutsiminnik ersarissumik upternarsaanermikkut suliffeqarfiup immikkoortuinut tamanut Inatsisartut inatsisaat naapertorlugu ingerlanneqartunut isersinnaatitaapput, nakkutilliinerup ingerlanneqarneranut atatillugu tamanna pisariaqartinneqarpat.

*Imm. 4.* Akuersissummik pigisaqartoq, isumaqtigiiissuteqaqataasoq allallu Inatsisartut inatsisaanni pineqartut, paasissutissanik tamanik pisortat suliamic ingerlatsineranni pisariaqartinneqartunik pisortallu sulineranni atorfissaqartinneqartunik, iluaquteqarni ssamut akuersissummut Inatsisartut inatsisaat naapertorlugu tunniunneqarsi masumut aamma sinneqartoo-rutinik avitseqatigiittarnermi isumaqtisiissutinut Inatsisartut inatsisaat tunngavigalugu aaqqissuunneqarsimasunut tunngasunik nalunaaruteqartartussaapput. Naalakkersuisut pisortat suliassamik Inatsisartut inatsisaat tunngavigalugu ingerlatsineranni akuersissummik pigisaqartumut, isumaqtigiiissuteqaqataasunut allanullu Inatsisartut inatsisaannit pineqartunut pisussaaffiliisinjaapput paasissutissanik nassiussaqartarnissaannik, Naalakkersuisut pisariaqartitsinerat tunngavigalugu.

*Nunamut tamarmut attavik, nunami namminermi oqartussaasut, nunami namminermi nakkutilliivik aamma Clearingshouse iluaquteqarsinnaanermut aamma iluaqtissanik agguassisarnermut katersivik*

**§ 23.** Naalakkersuisut danskit naalakkersuisuinut isumaqtigiiissuteqarsinnaapput, danskit naalakkersuisuisa Kalaallit Nunaanni nunamut tamarmut atuuttumik paasissutissanut periaasissanullu atatillugu attaviunissaat pillugu, uumassusillit sananeqaataasigut kingornuttaaga-sunik isumalluutinik iluaquteqarsinnaanermut atatillugu.

*Imm. 2.* Naalakkersuisut danskit naalakkersuisuinut tamanna pillugu isumaqtigiiissuteqa-reerlituk aalajangersagaliorsinnaapput Naalakkersuisut Kalaallit Nunaanni nunamut tamarmut

attuuttumik attaveqaataanissaat pillugu, paassisutissanut periaasissanullu atatillugu, uumassusillit sananeqaataasigut kingornuttaagaasunik isumalluutinik iluaquteqarsinnaanermut atatillu-gu. imm. 1 naapertorlugu.

*Imm. 3.* Naalakkersuisut tassaapput pisortatut Kalaallit Nunaanni oqartussaasut, uumassusillit sananeqaataasigut kingornuttaagaasunik isumalluutinik tiktsisinnaanermut aamma iluaquteqarsinnaanermut. Naalakkersuisut aalajangersagaliorsinnaapput namminneq pisinnaatitaaffitik ingerlatsinissartillu pillugit, nunamut tamarmut Kalaallit Nunaanni oqartussaanertik pillu-gu, aammalu naalagaaffimmi oqartussaasunut allanut attaveqarneq, tamatumani aamma danskit oqartussaasuunut attaveqartarneq pillugit.

*Imm. 4.* Naalakkersuisut Kalaallit Nunaanni nunamut tamarmut atuuttumik nakkutiliinermik ingerlatsisuuupput, uumassusillit sananeqaataasigut kingornuttaagaasunik isumalluutinut tiktsisinnaanermut aamma iluaquteqarsinnaanermut. Naalakkersuisut aalajangersagaliorsinnaapput nammineq pisinnaatitaaffitik ingerlatsinissartillu pillugit, Kalaallit Nunaanni nunamut tamarmut atuuttumi k nakkutiliivimmut atatillugu, aamma naalagaaffimmi oqartussaasunut allanut attaveqarneq, tamatumani aamma danskit oqartussaasuunut attaveqarneq pillugit.

*Imm. 5.* Naalakkersuisut nunamut tamarmut atuuttumik Kalaallit Nunaanni pisortatut oqartussaasuupput Clearinghouse-imi iluaquteqarsinnaanermut aamma iluaqtissanik agguassisarnermut katersivik Nagoyami isumaqatigiissummi artikel 14 naapertorlugu pilersinneqar-simasumut ingerlanneqartumullu tunngatillugu. Naalakkersuisut aalajangersagaliorsinnaapput nunamut tamarmut attuuttumi k Kalaallit Nunaanni oqartussatut namminneq piginnaasatik i-ngerlatsinertillu Clearinghouse suleqatigalugit, Pisinnaatitaanermut aamma Agguassisarnermut Iluaqtissanik aammalu naalagaaffimmi oqartussanik allanik, tamatumani aamma danskit oqartussaasuunik tamatumunnga atatillugu suleqateqarnerit pillugit.

#### *Nunarsuarmioqatigiinni assigiimmik ingerlatsinissamut akuersissutit*

**§ 24.** Naalakkersuisut nunarsuarmioqatigiinnut isumaqatigiissutaasut pisussaaffiliussallu naapertorlugit aalajangersagaliorsinnaappput nunarsuarmioqatigiinni assigiimmik aaqqissuussamik akuersissutinik tunniussaqartarnissamut tunngavissanik, tamatumunngalu attuumassuteqartunut pissutsinut allanut tunngatillugu, tamatumani aamma assigimmik ingerlatsinissamut akuersissutit, iluaquteqarnissamut akuersissutit aammalu sinneqartoortinik avitseqa-tigiittarnermut isumaqatigiissutit akornanni pissutsinut tunngatillugu.

## *Atugassarititaasunik aalajangersakkanillu malittarisassiorneq*

**§ 25.** Naalakkersuisut malittarisassiorsinnaapput atugassarititaasunillu aalajangersaasinnaa-llutik, Inatsisartut inatsisaat tunngavigalugu ingerlatanut tamanut tunngatillugu, Inatsisartut inatsisaanni § 1 naapertorlugu siunertaasumut naapertuuttunik.

*Imm. 2.* Naalakkersuisut tamatumani aamma malittarisassiorsinnaapput atugassarititaasu- nillu aalajangersagaliorsinnaallutik makkununnga tunngatillugu:

- 1) Uumassusillit amerlalluinnassusiisa allannguutsaaliorneqarnissaat.
- 2) Piujuannartitsinermik tunngavilimmik uumassusillit sananeqaataasigut kingornuttagaa- sunik isumalluutinik iluaquteqartoqarnissaa pillugu.
- 3) Uumassusillit sananeqaataasigut kingornuttaagaasunik isumalluutinik iluaquteqarnerup ki- ngunerisaanik iluanaarutit ajunngitsorsiallu naapertuilluartumik agguaanneqartarnissaat pi- llugu.
- 4) Uumassusillit sananeqaataasigut kingornuttaagaasunut isumalluutinut isumannaatsumik ornigussinnaanerup qulakkeerneqarnissaa, tamatumani aamma uumassusillit sananeqaataasigut isumalluutinut ilisimasanik teknologi-millu ingerlatitseqqittarneq eqqarsaatigalugit.
- 5) Pissutsit teknikkimut tunngasut sillimaniarnerlu, peqqissuseq, avatangiisit, pisuussutinik iluaquteqarneq aamma inuiaqatigiinni piujuannartitsisumik tunngavilimmik ingerlatsisoqarnera.
- 6) Naalakkersuisut, akuersissummik pigisaqartut aamma isumaqatigiissuteqaqataasut pisinnaatitaaffi pisussaaffiilu pillugit, uumassusillit sananeqaataasigut kingornuttaagaasumik isumalluutinik katersineq iluaquteqarnerlu pillugit, aammalu tamakkua tunngavigalugit naammassisat pillugit maleruagassiorsinnaapput.
- 7) Pissutsit ulorianartorsiorfiusut pillugit, ingerlaannavissumik uumassusillit sananeqaataasigut kingornuttaagaasunik isumalluutinut orniguttariaqarsinnaanermik kinguneqartut.

## **Kapitali 7**

### *Pineqaatissiissutit, taarsiissutit aamma arsaarinninnerit allallu*

**§ 26.** Akiliisussatut pineqaatissinneqarsinnaavoq:

- 1) Uumassusillit sananeqaataasigut kingornuttaagaasunik isumalluutinik tamatumunnga akuersissuteqanngitsumik isumaqatigiissutitaqanngitsumilluunniit iluaquteqartumut, akuersissuteqartoqarnissaanik inatsit una naapertorlugu piumasaqartoqarsimappat.
- 2) Inatsisartut inatsisaat naapertorlugu akuersissuteqarnermut imaluunniit iluanaarutinik avitseqatigiinnissamut isumaqatigiissummik Inatsisartut inatsisaanni aalajangersarneqarsimasunik unioqqutitsisumut, imaluunniit Inatsisartut inatsisaanni

aalajangersakkat tunngavigalugit aalajangersarneqarsimasunik unioqqutitsisumut.

3) Eqqunngitsunik imaluunniit paatsiveerusaataasunik paasissutissiisumut, imaluunniit paasissutissanik nipangiussisumut, pisortat Inatsisartut inatsisaat naapertorlugu imaluunniit Inatsisartut inatsisaanni aalajangersakkat atugassarititaassulluunniit naapertorlugit pisassarisaannik tunniussinngitsumut.

4) Inatsisartut inatsisaat naapertorlugu imaluunniit Inatsisartut inatsisaanni aalajangersakkat naapertorlugit peqqussutaasunik malinninngitsumut.

*Imm. 2. Inatsisartut inatsisaamni uani aalajangersakkat naapertorlugit aalajangerneqarsinnaavoq Kalaallit Nunaanni pinerluttulerinermut inatsit naapertorlugu akiliisitsisoqarsinnaa-soq.*

*Imm. 3. Akiliisitsissutissaq imm. 1 tunngavigalugu imaluunniit Inatsisartut inatsisaanni aalajangersakkat tunngavigalugit, takuuq imm. 2, inummut imaluunniit inatsisit naapertorlugit inummut Kalaallit Nunaanni pinerluttulerinermut inatsit naapertorlugu pineqaatissiissuteqartoqarsinnaavoq.*

*Imm. 4. Akiliisitsissutit Inatsisartut inatsisaat una naapertorlugu imaluunniit Inatsisartut inatsisaat naapertorlugu aalajangersakkat tunngavigalugit akiligassiissutigineqartunut akiliutit nunatta karsianut nakkartinneqartassapput.*

**§ 27.** Naalakkersuisut uumassusillit sananeqaataasigut kingornutta gaasunik isumalluutinik iluaquteqarnissamut akuersissutitaqanngitsumik imaluunniit iluaquteqarnissamut akuersissummi aalajangersakkanik imaluunniit iluanaarutinik avitseqatigiittarnissamut isumaqatigiissumik imaluunniit Inatsisartut inatsisaanni aalajangersakkanik allanik saneqqutsillu pissarsiarineqarsimasunik arsaarinnissuteqarsinnaapput.

*Imm. 2. Naalakkersuisut ersarinnerusunik atugassarititaasunik aalajangersaasinnaapput, taarsiissuteqarnissamut imaluunniit pissarsiassanut takussaanngitsunit pisunut tunngasumik akuersissutip arsaarinnissutigineqarsinnaanerannut allatigullu, uumassusillit sananeqaataasigut kingornutta gaasunik isumalluutinut iluaqutissarsianut tunngatillugu, iluanaarutinik avi-tseqatigiittarnermut Naalakkersuisunut isumaqatigiissuteqarani pissarsianut tunngatillugu, imaluunniit Naalakkersuisunut iluanaarutinik avitseqatigiittarnissamut isumaqatigiissummut akerliusumik pissarsianut tunngatillugu.*

*Imm. 3. Arsaarinnissutaasut imm. 1 aamma 2 naapertorlugit Namminersorlutik Oqartussanut iluaqutissatut pissapput. Taarsiissutit imm. 2 naapertorlugu pisut nunatta karsianut nakkassapput.*

## Kapitali 8

### *Akerleriissutaasut aalajangiiffigineqartarneri*

**§ 28.** Naalakkersuisut aalajangersagaliorsinnaapput aammalu akerleriissutaasut aalajangiiffigineqartarnerannut isumaqatigiissutinik tunngaviusussanik akerleriissutini

atugassarititaasussanik aalajangersaasinnaallutik, pissutsinut Inatsisartut inatsisaanni aamma nunarsuarmiut isumaqatigiissutaanni pisussaaffiit naapertorlugit suliaasartunut tunngatillugu, Kalaallit Nunaanni atortuusussanik, Inatsisartut inatsisaannut attuumassuteqartumik suliaasimappata. Naalakkersuisut tamatumunnga ilanngullugu aalajangersagaliorsinnaapput akerleriissutaasut Kalaallit Nunaanni eqqartuussivinni aamma Danmark-imi eqqartuussivinni suliarineqarsinnaanerat pillugu, akerleriissutaasut suliarineqartnerannut voldgift-imi, imaluunniit nunarsuarmiut isumaqatigiissutaat allat naapertorlugit akerleriissutaasunik suliaqarnermi aalajangersakkat atorlugit.

*Imm. 2. Suliat imm. 1 naapertorlugu suliarineqartut aalajangiiffigineqartassapput kalaallit inatsisaat kiisalu danskit inatsisaat aamma nunarsuarmiut inatsisaat Kalaallit Nunaanni atortuutinneqartut naapertorlugit.*

## **Kapitali 9**

*Atortuulersitsineq aamma inatsisitigut atugassaqartitsissutit allallu*

**§ 29.** Inatsisartut inatsisaat atortuulerpoq ulloq 1. juni 2016. Ilutigisaanik atorunnaarpooq Uumassusilinnit isumalluutit niuernermi ilisimatusarnermilu atorneri pillugit Inatsisartut inatsisaat nr. 20, 20. november 2006-imeersoq.

*Namminersorlutik Oqartussat, ulloq xx. xxxx 2016*

Kim Kielsen